

*Q u o d*

ARNOLDI FERRONI BVRDI-  
GALENSIS, REGII CONSILIARI,  
DE REBUS GESTIS GALLORVM  
LIBRI IX.

AD HISTORIAM PAVLI AEMYLIT  
*additi, perducta historia usque ad tempora*  
*Henrici II. Francorum Regis.*

*Tertia editio nunc recens aucta & recognita.*

LUTETIAE,  
EX officina typographica Michælis Vascosani, via Iaco-  
baæ, ad insigne Fontis.

M. D. LV.

EX PRIVILEGIO REGIS.

P R A E F A T I O.



V A E res magno atque excellenti inge-  
nio homines olim ad monumentarum  
gestarum posteris tradenda excitarunt,  
hæ ipse quin me ab hoc instituto reuoca-  
rint, parum absuit. Partim enim laudis  
studio ducti, cum esse hanc unam, quæ tantos labores poste-  
ritatis memoria consolaretur, intelligerent, partim studio il-  
lustranda patriæ, præmisque à populis, Regib[us]que pro-  
positis, partim studio ueritatis proponendæ, similibusque  
aliis causis, exempla ut proponeret posteris, unde quod imi-  
tarentur acciperent, id aggressi sunt. Ac mihi quidem laudē  
sperare hoc seculo, cuius ea haec tenus labes & macula fuit,  
aliorum labores aut ridere, aut contemnere, suos sine riuali  
laudare, sani hominis non uidebatur. Illustranda autem  
patriæ consilium, et si optimum, seponendum semper ab hoc  
scribendi genere putabamus. Præmia autem nulla hoc té-  
pore industriae constituta uidimus: quippe illa honore, li-  
beralitatéque alitur. Ea ubi dempseris, parum sibi constant  
industriae fructus. Nūc uero cùm diuitias magni laudabilés-  
que homines fiant, ingenium, eloquentia, constantia, inte-  
gritas refrixisse uidentur, omnésque industriae fontes ex-  
ruiisse: præsertim cum ad ingenij laudem parandam labore  
opus sit & sudore, ad opes parandas, quæ cuique lubet nt-  
tatur. Ita fit ut homines docti, studiosi, industrii, ignoti sint,  
inter uulgas numerentur, nullo numero, nulla gratia, nulla  
authoritate habeantur: præmia eruditis debita, disticta  
teneantur à paucis. Veritatis autem studium et si nos mo-  
uere maxime potuit, periculum tamen quod semper uidi-  
mus conflatum studiosis eius proponende, odiorumque se-  
getes inde gliscentes progredientesque, hoc præsertim tem-  
pore, quo uirtutem alligatam uidemus, forū sine fide, tribu-  
nalia sine iure, conculcatam disciplinam omniē militarem,

CAROLAO  
ARNOLDI FERRONI BVRDI  
GALENSIS, DE REBUS GE-  
STIS GALLORVM  
LIB. I.

**M**ORTVO Britannorum Regulo, bel-  
lum Britannicum, quodiam extinctum  
esse uidebatur, repente renouatum est. Pro-  
ceres Britanici dum dissentiant de Anna  
Brienni filia collocanda, id bellum exci-  
tarunt. Nam pars Alanum Alebretum Aquitanum multo-  
rum oppidorum dominum præferebat, isque uoluntate pa-  
tris cum ea matrimonii contraxisse falso iactabatur, priori  
die quam is decederet; sed repudiante Anna, uanum eorum  
erat studium. Pars tacite Gallo studebat: pars Maximilia-  
num Federici Cæsaris filium ad eas nupicias aperte uocabat,  
non solum præsidio futurum (si quid aduersi à Gallis accide-  
ret) sed libertatem etiam Britannicam confirmaturum. Nec  
ignora eorum studia Gallo. Ulro citroque legationes iisse  
sciebat. Iam omnia composita ex animi sententia Maxi-  
milianus coniectura augurabatur, totamque Britanniam  
animo inuaserat. Iam matrimonij nomine potitus parte  
Gallæ opulentissima, Belgarumque principatu, quid non  
speraret adiuncta Britannia? Diu deliberatum est apud Gal-  
los, qua ratio iniuret depellendæ huiusc procellæ. Cun-  
Etatio Maximiliani consilium confirmauit. Adhibiti in  
consilium prudentissimi homines, ita statuerunt: & Maxi-  
miliani affinitatem repudiandam, & Annæ nuprias Re-  
gi maturandas, præsertim cum potentissimi uicini domina-  
tus periculosus esset, à quo nihil nisi simulatam amicitia in  
præsens, & postea bellum expectari paruit, cū iam imme-